



Kakanj, 31.03. 2025. godine.
Broj: 01/D-01-43- 3541 /25

Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 338-03/25 od 27.03.2025. godine po otvorenom postupku (OP: 76/24 - Nabavka dizel goriva BAS EN 590), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14, 47/14, 59/22, 50/24), Direktor Iso Delibašić, dipl.ekonomista i Prokurist Adi Hamidović, dipl.inž.maš., donijeli su

ODLUKU o dodjeli okvirnog sporazuma

Član 1.

Na osnovu provedenog otvorenog postupka OP: 76/24 u postupku dodjele okvirnog sporazuma za Nabavku dizel goriva BAS EN 590, Ugovorni organ dodjeljuje Okvirni sporazum izabranim ponuđačima, kako slijedi:

- „SUPER-PETROL“ d.o.o. Banjaluka
- „ALMY“ d.o.o. Zenica
- „HIFA-OIL“ d.o.o. Tešanj
- „JUNUZOVIĆ-KOPEX“ d.o.o. Lukavac
- „BATO-PETROL“ d.o.o. Doboj
- „HIFA-PETROL“ d.o.o. Sarajevo

Član 2.

Nakon isteka roka za žalbu sa izabranim ponuđačima iz člana 1. ove Odluke zaključit će se okvirni sporazum u trajanju od jedne godine od dana zaključivanja, kojim će se regulisati međusobna prava i obaveze vezano za predmetnu nabavku, odnosno pojedinačne ugovore za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

Vrijednost Okvirnog sporazuma koji će se zaključiti sa izabranim ponuđačima iz člana 1. ove Odluke iznosi 9.000.000,00 KM bez PDV-a.

Član 3.

Obavezuju su izabrani ponuđači iz člana 1. ove Odluke da u roku od 5 (pet) dana od dana prijema ove Odluke dostave dokaze tražene tačkom 3.1. tenderske dokumentacije (član 45. Zakona o javnim nabavkama).

Ponuđači koji su u sklopu ponude dostavili dokumentaciju zahtjevanu tačkom 3.1. tenderske dokumentacije (član 45. Zakona o javnim nabavkama) nisu u obavezi istu dostavljati u roku iz stava 1. ovog člana.

Član 4.

Za izvršenje ove odluke zadužuje se i ovlašćuje Komercijalna služba RMU „Kakanj“ d.o.o.- Kakanj.



Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-13043/24 od 16.12.2024.godine.

Odlukom o pokretanju postupka nabavke roba, Ugovorni organ predvidio je zaključivanje Okvirnog sporazuma sa više ponuđača na period od jedne godine od dana zaključivanja Okvirnog sporazuma.

Procijenjena vrijednost nabavke je ujedno i vrijednost okvirnog sporazuma i obezbijedenih sredstava za predmetnu nabavku i iznosi: 9.000.000,00 KM bez PDV-a

Vrijednost nabavke prema stavu Agencije za javne nabavke broj: 04-02-1-9-183/23 od 27.01.2023. godine, prema kojoj će se utvrđivati prihvatljivost i neprihvatljivost ponuda prema članu 2. tačka 1) ZJN, a koja predstavlja ukupan zbir proizvoda količina i jedinične cijene po svim stavkama i iznosi 10.800.000,00 KM bez PDV-a.

Obavijest o nabavci broj: 967-1-1-565-3-344/24 od 30.12.2024. godine poslata je na objavu dana 30.12.2024. godine, a objavljena je na Portalu javnih nabavki dana 30.12.2024. godine.

Komisija za javnu nabavku je dana 24.03.2025.godine sačinila Zapisnik o ocjeni ponuda broj: 317-03/25 od 24.03.2025.godine i Preporuku o dodjeli okvirnog sporazuma broj: 338-03/25 od 27.03.2025. godine donesene u postupku javne nabavke roba - Nabavka dizel goriva BAS EN 590.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda šest (6).
- da je blagovremeno zaprimljeno šest (6) ponuda.
- da nije bilo neblagovremeno zaprimljenih ponuda.
- da su ponude ponuđača „HIFA-OIL“ d.o.o. Tešanj, „BATO-PETROL“ d.o.o. Doboj, „JUNUZOVIĆ-KOPEX“ d.o.o. Lukavac, „ALMY“ d.o.o. Zenica, „SUPER-PETROL“ d.o.o. Banjaluka i „HIFA-PETROL“ d.o.o. Sarajevo prihvatljive.
- da nije bilo neprihvatljivih i nepravilnih ponuda.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH“ broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.



Prije provođenja postupka E-aukcije, Komisija Ugovornog organa je utvrdila koje od ponuda su prihvatljive, te je utvrdila redosljed dostavljenih ponuda u skladu sa kriterijem za dodjelu ugovora definisanom u tenderskoj dokumentaciji –najniža cijena, na način kako slijedi:

Rang-lista ponuđača:

| | Naziv / ime ponuđača | Ukupno ponuđena cijena bez PDV-a |
|----|----------------------------------|----------------------------------|
| 1. | „SUPER-PETROL“ d.o.o. Banjaluka | 8.955.000,00 KM |
| 2. | „HIFA-OIL“ d.o.o. Tešanj | 9.000.000,00 KM |
| 3. | „BATO-PETROL“ d.o.o. Doboje | 9.000.000,00 KM |
| 4. | „JUNUZOVIĆ-KOPEX“ d.o.o. Lukavac | 9.000.000,00 KM |
| 5. | „ALMY“ d.o.o. Zenica | 9.000.000,00 KM |
| 6. | „HIFA-PETROL“ d.o.o. Sarajevo | 10.800.000,00 KM |

Ugovorni organ u Obavještenju o nabavci broj: 967-1-1-565-3-344/24 od 30.12.2024. godine previdio je provođenje E-aukcije u skladu sa Pravilnikom o uslovima i načinu korištenja E-aukcije.

Nakon što je Komisija Ugovornog organa utvrdila koje od pristiglih ponuda su prihvatljive, a što je konstatovano Zapisnikom o ocjeni ponuda, zakazana je E-aukcija za dan 27.04.2025. godine sa početkom u 13³⁰ sati. Komisija Ugovornog organa je predvidjela da aukcija traje 10 minuta.

S obzirom da od 6 (šest) pristiglih ponuda, ponude ponuđača „HIFA-OIL“ d.o.o. Tešanj, „BATO-PETROL“ d.o.o. Doboje, „JUNUZOVIĆ-KOPEX“ d.o.o. Lukavac, „ALMY“ d.o.o. Zenica, „SUPER-PETROL“ d.o.o. Banjaluka i „HIFA-PETROL“ d.o.o. Sarajevo su ocjenjene kao prihvatljive, to su prihvatljive ponude ponuđača označene za učešće u E-aukciji.

E-aukcija je završena 27.03.2025. godine u 13⁴⁰ sati.

Nakon provedene E-aukcije utvrđena je rang lista ocijenjenih ponuda - Nabavka dizel goriva BAS EN 590 počev od najuspješnijeg ka najmanjoj uspješnoj ponudi

| | Naziv / ime ponuđača | Ukupno ponuđena cijena bez PDV-a |
|----|----------------------------------|----------------------------------|
| 1. | „SUPER-PETROL“ d.o.o. Banjaluka | 8.955.000,00 KM |
| 2. | „ALMY“ d.o.o. Zenica | 9.000.000,00 KM |
| 3. | „HIFA-OIL“ d.o.o. Tešanj | 9.000.000,00 KM |
| 4. | „JUNUZOVIĆ-KOPEX“ d.o.o. Lukavac | 9.000.000,00 KM |
| 5. | „BATO-PETROL“ d.o.o. Doboje | 9.000.000,00 KM |
| 6. | „HIFA-PETROL“ d.o.o. Sarajevo | 10.800.000,00 KM |

U postupku donošenja ove odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i



tenderskom dokumentacijom. Uvidom u priloženu dokumentaciju, nesporno je da su izabrani ponuđači ocijenjeni zbog kriterija najniže cijene, kako slijedi:

| | Naziv / ime ponuđača | Ukupno ponuđena cijena bez PDV-a |
|----|----------------------------------|----------------------------------|
| 1. | „SUPER-PETROL“ d.o.o. Banjaluka | 8.955.000,00 KM |
| 2. | „ALMY“ d.o.o. Zenica | 9.000.000,00 KM |
| 3. | „HIFA-OIL“ d.o.o. Tešanj | 9.000.000,00 KM |
| 4. | „JUNUZOVIĆ-KOPEX“ d.o.o. Lukavac | 9.000.000,00 KM |
| 5. | „BATO-PETROL“ d.o.o. Doboј | 9.000.000,00 KM |
| 6. | „HIFA-PETROL“ d.o.o. Sarajevo | 10.800.000,00 KM |

Iz navedenih razloga, primjenom odredbi člana 32. stav 4. i stav 5. tačka b) Zakona o javnim nabavkama, gdje je propisano je da će se Okvirni sporazum zaključiti sa više ponuđača, a u vezi sa članom 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Rudnika mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

S r e t n o !

Prokurist

Adi Hamidović, dipl.inž.maš.



Direktor

Iso Delibašić, dipl.ekonomista

Dostavljeno:

1x Direktor

1x Učesnici u postupku javne nabavke

1x a/a